



早稲田大学図書館
文書27
E57



春日即事

日暖簾櫳花送馨
春風陣陣拂階庭
夕陽明處晚晴好
一半竹欄酒未醒

春日訪隱者不遇

春山二月此追攀
花鎖閑窓柳鎖關
今日先生何處去
殘棋狼藉石枰間

梅柳度江春

二月江南梅柳新
梅紅柳綠媚芳辰
東君元具丹青妙
畫出鮮明一幅春

夜漁鹽野

雨歇春田聒亂蛙
昆沙門畔鎖紅霞
紛紛漁火得魚否
盡入花村賣酒家

花臺橋懷古

花映簾櫳曉霽新
樓樓歌舞不勝春
祇今唯有橋邊水
曾照春臺折柳人

春草

春入燒痕期不違
嫩芽寸寸染人衣
弓鞋莫著雙雙跡
怕有王孫遊未歸

汴水春望

十一

荒臺舊沼吊隋宮
汴水東流欲接空
腸斷數株楊柳老
飛為白雲亂春風

四月十八日芝倉拾翠歸途

縷縷炊烟十徑斜
古林幾處受棲鴉
梨溪四月春未老
深淺花開山畔家

客舍記事

清明時節滯天涯
細雨烟濛山驛家
旅况滿懷歸未得
春風老却故鄉花

黃陵廟

一在唐岳州湘陰縣北八十里瀟湘之尾洞庭之口○按韓文公碑云湘儻有廟曰黃陵自古立以祭堯舜之二妃一一則女英娥皇而已云

黃陵春老草萋萋
疎雨斷烟望欲迷
古廟蕭蕭人不見
殘碑唯有鷓鴣啼

送春

竹裏深苔一徑斜
衡門幽處是吾家
送春一夜蕭蕭雨
落盡牆頭幾樹花

山齋午睡起

紅塵不點小山家
午睡覺來間煮茶
窓底日長無一事
雨聲敲落木蘭花

其二

石床高卧白雲居
水繞柴門竹繞廬
山鳥一聲

人晏起凌霄花落
讀殘書

題楯溪大夫屏風山水

數株楊柳數株花
滿目春光似若邪
隔水清溪人不見
茶烟輕颺夕陽家

春日漁鳴洲

一帶長江帶晚霞
垂楊籠盡幾漁家
渡頭雨歇春流落
抹岸漲痕半是花

海棠

香霧霏霏欲染衣
千枝紅漲小書幃
夜深花睡珮聲絕
知是巫神收影歸

少年行

白馬銀鞍爭壯遊春風吹上翠雲裘慙懃招客
仙娥語楊柳陌頭第二樓

西湖竹枝

郎留遼塞妾西湖日見鴛鴦來作雙囀與涌金
門外柳莫令旅客繫歸舫

杜宇山居

人生真一夢何事苦塵紛朝對清流水暮看出
岫雲

其二

鳴洲晚歸

點點鳴洲三兩家夕陽罷釣步平沙渡頭水漲
無舟子一陣微風送落花

其二

幾家相接水為鄉雨歇春江正淼茫舟子貪眠
呼不起漁磯曬網已斜陽

春閨怨

海棠花發映欄干一掬嬌柔淚不乾可憐庭上
數枝色唯有愁人獨自看

其二

梨花藹藹洞房深一字篆香月影沈似解胸中
多少恨春風吹動鳳皇簪

其三

柳絮飛時花亦飛滿胸春恨淚沾衣東風一夜
畫簷雨不見人歸見燕歸

其四

懶織迴文錦字機洞門鎖鑰棘榛圍荒庭春過
花方老古棟燕來君未歸半枕殘燈釵影暗一
簾斜月漏聲微自憐夜夜空閨夢獨向五原遙
處飛

和某氏墨江春遊詩

十里長隄一徑斜白鷗渡口鎖殘霞綠深木杓
寺前柳紅入吾妻橋畔和春水盪舟穿錦浪夕
陽對酒送歸鴉有無歌曲為千古猶克至今使
客嗟

其二

香霞如雪點輕蓑十里長隄伏綠波梅向笛聲
幽處落水從柳色暗邊過寺前古墓誰能哭花
上春風鳥互和旅况滿懷想往事渡頭依舊白
鷗多

夏夜泛舟

清江雨歇水連天一棹涼風一釣船月掛遠洲
明若晝酒家隔在柳橋邊

夏日江村

菰蒲獵獵晚涼多十里清江雨一簑沙際呼舟
人未答雙雙白鷺啄魚過

其二

十里沙村八九家高低曬網夕陽斜忽知驟雨
前溪過一段新波漂柳花

夏日訪友人

偶訪城西小竹庵雨餘綠樹細烟含已知諸老
先吾至一曲簫歌酒半酣

夏夜水軒

清風吹動水南家一榻新涼灑袂斜螢火似知
明早雨飛從蘋蓼入窓紗

五日

水亭雨足漲聲高閑濯菖蒲酌濁醪晚醉昏昏
人去盡榴花窓底讀離騷

晚夏念五遊藤泉

渺渺長江向北流晚烟疎樹夕陽收渡頭水落

不盈尺閑却柳陰一葉舟

題夏日驟雨圖

晴江一帶夕陽殘時有遙雷起遠巒白雨洗虹
何處去岸東猶濕岸西乾

六月廿九日朝起卽事

曉窓睡起鳥聲多紅日雨竿上碧紗露井嗽來
階畔立槿籬猶有未萎花

同日家弟漁藤泉逢驟雨而歸賦五絕我

步其韻

渡頭波動風急柳外鷗飛雨摧一望長天如墨

宛驅起蟄龍來

湖塘晚眺

絃歌聲斷水烟收兩岸樓臺暮色浮潮正來時
月將湧釣魚舟雜採蓮舟

其二

晚風吹動欲斜陽一曲橫塘未送涼細細隔花
清歌起佳人柔櫓采蓮長

其三

滿湖新水綠波動夕陽中影浸千章樹聲涼一
笛風遊鷗歸遠渚漁老捲孤篷驟雨去來急斷

虹橫半空

松江納涼

扁舟輕若葉十里不停橈樹暗鳥歸渚月明人
立橋不唯煩暑退兼覺積憂消涼夜塵機息一
樽勝事饒

奉乞

玉斧

宮島熊再拜敬具

元旦 乙卯

茅屋迎新歲偏憐寒更輕繞檐響流水凭欄詩
思清夜來聞微雨春自柳邊生一樽屠蘇酒微
吟弄新晴柴門故人至時有剝啄聲

梅花

早有梅花滿水涯豈無酌酒又題詩每遇月來
憐瘦影固嫌俗至污清姿色同姑射十分白香
比羅浮一段奇相思欲寄親知友笑謝春風折
小枝

踏遍淡煙濃靄村黃昏探句涉林園冰朶臨流

看鶴立老根倚竹有龍奔暗香浮動風無跡
踈影橫斜月一痕慙慙寄語樓頭子莫散落梅惱
醉魂

瓶梅

瓶中梅一朵爛熳占春芳桃李元皆俗牡丹何
喚玉題詩憐瘦影酌酒愛清香最喜寒燈下與
君共是牀

卧病

卧病幾旬愈幾時任他百事與心違三春詩酒
甘閑廢一世榮華見是非綠徑風斜花自落畫

簷雨細燕初歸此間却愛清幽足日涉林園曬
晚暉

和某生韻

數家向背是窪田處處雞聲欲午天堪喜此間
吟料足一村桃李一川煙
夾水紅樓歌舞嬌當時絲肉至今銷江風蕩漾
春如海立盡花臺第一樓

送窪田梨先生之東都

一路千山與萬河憐君馬自此中過春風輕觸
橋頭柳如雪飛花離思多

我久在門下學文日夜親憐君離故國走馬逐
紅塵山暗板關曉江明松水春溪聲鳴淅淅自
似促行人
手縮一枝柳慘然欲失聲長橋垂柳綠一路落
花輕春在夢中老愁從別處生前川深幾尺不
及送君情

春雨

暖雨消殘雪春深農業家綠凝一階草紅滴數
枝花南畝耕初勸前村酒可賒隣翁時復至終
日話桑麻

已振衣來誰敢招衰年伐木愛蕭條從於清世
干微祿須入深山老採樵半笠插花尋野徑一
簑帶雨度溪橋杖頭十里家何處林外鎖烟歸
鳥遙

右課題三首

閨怨六言

花鎖簾櫳月暗鴨爐火細烟迷郎之去猶不遠
妾夢先到遼西

早起五言

正是夢醒時春愁增一脉新鶯三四聲窻自花
間白

春江泛舟

利亦不貪名不貪一簣一笠釣春潭輕舟一葉
歸猶早家在桃花流水南

山村晚歸草堂會集分韻各題得村字

山雨初晴溪水渾夕陽歸鳥已黃昏無無草處
疑無路有有梅家知有村青紫縈身非我地煙
霞滿袖即天恩欲賒晚醉貪高興林外旗飄酒
肆門

和某生韻同題

漸下山來日已斜炊煙淡抹兩三家歸路逢人

知花有神

到奧田村利左衛門宅

老翁出戶迎投杖喜新晴古寺鶯方語春村人
自耕三杯傾濁酒一日足閑情田舍忘歸處西
山晚照明

經塚

血漲沙潭夜色冥淒風一陣爛屍腥羈人遺恨
神應泣雨鎖深林鬼火青

送今井某之京

橋頭折柳送君行風露沈沈殘月明好去江山

千里路落花風裏馬蹄輕

又

難奈忽忽對別筵東風回首恨綿綿浮世不堪
為後會故情無敢誤歸年行裝春濕土山雨征
馬聲迷薩埭烟吟鞍到處皆佳景知汝新詩存
幾篇

奉寄懷

窪田梨溪先生

不知何處武陽城一別以來恨自生夜夢晝思
空涕淚天長地遠奈離情雁過柳渚風千里人

倚江樓笛一聲安興先生同載酒梨花溪上拾
詩行

題幽人消夏圖

已入山來不顧終幽居何暇說窮通曾無世事
關心底常有溪聲到耳中古架引藤遮白日晚
窓洗竹得清風悠然再覺羲皇夢一半湘簾夕
日紅

春雪

二月七日夜之作

一窗明若晝疑是月窺帷急打疎疎箔已埋短
短籬夜寒怕衣薄春半恨花遲凍硯又枯筆坐

催詠雪詩

Blank writing area with vertical lines.

己丑三月十六日雨晴風暖偶遊小向村
看梅得詩十首

去年卧病不知春今歲探梅興更新前後春風
遊四度梅花應識舊詩人

園中內裡梅最為絕品

一樹高標內裡梅 鑿輿當日問花來紅葩綠
萼非凡品猶帶

天顏喜色開

主人野寄氏系出于鎌倉北條家折梅花
乞字

說是鎌倉霸者孫北條家譜到今存慇懃留我
乞題壁擬折梅花代墨痕

邂逅友人清水氏曰罹百厄賦之慰之
花間邂逅笑呼觴情味濃於酒味香百折不撓
君氣節匹如鐵幹耐風霜

此地十年前係成島柳北發見為留石像
紀念內閣記錄近日刻後鑑彼家所編集
小向梅從柳北傳雅遊憐汝着先鞭江南名勝
非無地獨擅壇場十五年
千秋史筆使人嗟後鑑編成最大家餘事風流

呼柳北狂留遺像托梅花

玉川所見

雨餘殘照滿汀洲夾岸梅花映碧流春早香魚
纔數寸玉江未放夜漁舟

矢口弔新田義興祠有碑服元喬撰延享
三年所建土人曰夏時雷墳上竹皆裂
矢口祠前弔古來殘碑有字蝕蒼苔墳頭摧裂
千竿竹想見冤魂化疾雷

池上本門寺葬僧日蓮處日蓮創始法華

一宗

濟度衆生豈等閑法華一派極辛艱千年蒼翠
本門寺此是日蓮埋骨山

大森歸路明月在天清氣襲人

小向折梅香滿衣大森沽酒醉斜暉輕車一路
春天晚載月與花吟詠歸

何日愈讀書只自此時休雨聲一夜愁花落春
色九旬恨水流蛛蜘似解詩人意網得殘葩幾
片留

碩寬齋課題

明妃夢歸漢

風沙黑無顏色掃衣歸來漢故國畫工地下魂
已空古塚草深妖血碧三十六宮夜欲闌花鎖
庭欄春月寒君王迎妾侍夜宴嬌歌妙舞不敢
倦何似他日嫁胡時白沙飛橫春風面翡翠帳

中髻雲斜風觸銀燈落玉花遽然夢覺空回首
天長地遠悵然久相思不絕恨如絲嗚呼此夜
入夢之人相思否

丑時咀

夜色半鈴素斷白狐廟古人不見插頭燭炬如
玉明輕履踏階寂無聲長跪拜神胸欲裂中腸
猶怖咀人情咀人殺人我亦死假令身死聊不
悔丁丁穿樹八寸釘此恨豈無垂千載歸來又
過幾重林古柏老杉殘月深

春山歸樵

無可贈傍溪折取一枝花

寄長戍人得稀字

歸何遲消息稀花落花開長別離聞道長城戰
未息思君日夜意何極嗚吁一生各一涯天之
南天之北

郊行即事

寺門雨歇欲斜陽小路斷橋水一方七十老僧
何處去落花滿地履痕香

題畫

藹藹磯頭水漁舟一葉輕過梅歷流處花影碎

還生

奉請

金削

宮島維熊拜具

草稿

訪山中故人不遇

結家幽谷下一日憶君過何處去尋藥山多雲亦多

春寒

漠漠春寒不出門半瓶濁酒又慵溫黃昏一陣無情雨人與梅花孰斷魂

海棠

半映欄干半映池嬌柔可掬數枝奇獨傳南能專賞何恨少陵不入詩酒如深春醉足燕

支無力曉粧遲五更水外珮聲動知是巫山行
雨時

築城詞

去歲防胡人骨朽沙上塵今年築城平汗凝城
下雪築城事成德不成防胡在德不在城彼吏
休罵舉杵戲固讎之保利不利

斧泉竹枝

樓外翠樓欄外欄四更歌歇月涓涓玉簾不捲
春燈白人折海棠一朵眠

又

簾影婆娑燭影新此遊夜夜可迎晨三絃弄曲
人如玉歌舞樓樓不送春

乙卯三月中旬稿

花下午睡

幽居無復利名纏
百事與心皆偶然
紅影不移
眠未覺桃花風暖日如年

春雨山莊小集

滿庭竹四圍何及鎖
扃扉細雨不聲潤
輕塵無力飛人鋤
春草去燕啣落花歸
正是好時節
題詩到晚暉

同

漫携社友會山莊
細雨輕烟春日長
人自幽閑

忘世事地雖僻陋
是仙鄉水過苔砌
心方淨梅倚書窓
夢亦香各傍竹欄
吹酒坐坐看歸鳥
度斜陽

雨中海棠

半映欄干半映池
嬌柔一掬數枝奇
花凝腥淚紅如染
正是巫神泣雨時

春江釣月

渺渺長流不繫艫
輕絲投釣水淙淙
春烟籠柳夜方碧
漁笛一聲月滿江

即事

病已經旬尚未蘇床頭起卧任人扶此間無事
清幽足守護雀離與燕離

歸燕

萬里歸來一葉身今年春異去年春江南荒廢
舊時宅花落雨多不見人

折花待人

折枝擁花衣自香把衣與郎喜更長佳人春瘦
嬌無力困不堪粧出洞房花前對影情何切斜
拗一枝帶露折風掃玉階識郎來輕屣聲低海
棠月

山行途中

纔出郭門晝不喧風光無處不吟魂東風送暖
還堪怪雪白梨花一抹村

又

處處春深歌舞多藥師堂畔夕陽斜綵雲擁
春如海開遍紅櫻幾樹花

閑人曉起

樹間幽砌徑如弓殘月朦朧在曉空昨夜閑窓
未易坐落花狼藉五更風

隣家櫻

倚檻恨牆隔玉容未曾懃得與君逢夜深月白
殘粧淡夢在仙雲第幾重

前題曉起

幾股清流洶淺沙暉暉暎日上窗紗家僮貪睡
呼不起自灌籬邊欲綻花

春樓夜飲

夜不甚寒剪剪風樓頭立盡竹欄東把酒不知
月方上一痕花影在簾櫳

春釣

晨拋華簪欲濯纓輕笠輕蓑身更縈世間百事

不如意從吾所好欲慰情一葉之舟一枝笛自
是春川釣魚客高唱滄浪自在行柳暗花明水
亦碧鳴吁今不文王時心非釣名在釣魚
遠避塵紛心自閑小舟垂釣碧波間水源雨足
春流急輕刺落花過幾灣

塞上曲

染沙戰血氣氛腥邊塞何年罷遠征片月夜深
簾幕寂人磨矛戟送寒聲

江村春日

龍家楊柳綠風輕柳外晴霞一株明昨夜江村

春雨足賣魚聲雜賣花聲

贈畫師

臨紙浩然意氣新
王維誰喚絕倫人
一痕龍勢墨方黑
妙極初知筆有神

妙筆畫成小景秋
太驚此畫太風流
荻蘆溼水花方白
有鷺窺魚立釣舟

奉請

大政

宮島熊拜具

總計六十一首自正月至三月中旬

三月念八與小田切子敬從日午行吟東

數家點綴溪東
西處處亂聲送午雞
小雨一簑還不惡
看花又過有花溪

片子

笛聲何處送牛羊
雨歇閑村十里長
一樣東風人欲醉
菜花千頃野田香

牛森

小麥竹杖儘追尋
麥畝菜畦一徑深
機杼丁東家不遠
隔村村落是牛森

晚唐妙境
一唱三歎

纖巧

訪牛森宰户田氏

如麻急雨滿晴天。暫訪君家結昔緣。何料清閑偷半日。山窓高枕白雲眠。

滿山杜鵑開

處處歌聲羅綺多。無人不道去看花。紅色漲天。若染夕陽。出一團霞。

吊前田敬次廢跡

奇人一去委黃泥。遺跡蕭條一水西。古碣字空無可讀。落花滿地鷓鴣啼。

又

喬木蕭森繞廢丘。寒鴉落日兩相愁。千秋跡古人安在。尚有清泉依舊流。

羽水川原

茫

路傍滿地

已出村來度水涯。川原到處不看家。吟鞋一路無名草。踏損新奇種種花。

過佐氏泉

午纔過花溪。受晚風徑從佐氏塢。泉通斜陽猶在。乳鴉背林樹。巢邊一抹紅。

時未納涼春未老。輕風拂水佐泉清。池頭一樹

又夏來

已

臨

垂如絲柳不着新蟬着晚鶯。

十首

行吟之作

奉乞

玉斧

宮島熊拜具

已熟滿簇如雪白簇簇的知敢無衣食憂且樂
輸得夏稅足終日揀繭煮鼎中繭厚絲長真滋
豐纖手姑繅婦亦繅絲車軋軋滿擔風

栽菊

餐落英者楚屈平千秋至今留高聲採寒藥者
陶彭澤晚節與花有芳名我慕此人發幽意自
闢三徑學花事幾種疊々遶舍栽不嫌無復立
錐地晨灌夕培養育頻其功宛見蘇生新數畝
閑區足隱趣何異昔時愛菊人清秋九月秀麗
可枝枝秋色帶霜譚早期此時酌酒噲落英無

心醉倒東籬下

垂柳

半拂長堤半拂橋春風輕惹不堪嬌楚王江畔
千秋事誤被宮人妬細腰

夏夜書懷

多悶攪來不可收捲簾獨坐倚清流月過梧間
方午夜風從蘋末送涼秋興於廊廟憂天下合
向江湖弄釣舟床頭猶有大樽在三酌能消萬
慮否

十二日大雷

火穿人眼電光吐劍劃雲霓龍影舞驚起山河
震動來一聲霹靂雷公

奉乞

大斧

宮島熊再拜敬具

乙卯四月稿

送片山弦齋先生遊東都

書劍飄然不可留
渡頭折柳奈離愁
春江月落
笛聲遠時有飛花送客舟

又

少在君門情不踈
今宵臨別奈愁如
蓬矢桑弧
丈夫事暫時分手莫躊躇

九日陪

蠖堂先生遊極樂寺

逢僧終日轉幽情
瀟灑林泉景自清
半池春水

窺山影一塔斜陽帶鳥聲終使此身棲此處閑
拋其利與其名餘興不如將月去且尋隣寺拾
詩行

又

纔入門來塵不飛湖塘風景轉依稀釣魚人破
綠萍去汲水僧分明月歸樂地未知何處是機
心覺向此中非小詩磨蘚題幽石一段微涼灑
葛衣

又

十畝蒼苔一徑斜偷閑偶訪梵王家古碑有字

猶磨蘚野廟無人空落花方丈逢僧宜聽法沙
池汲水儘煎茶夕陽已沒天昏黑各自凭欄送
暮鴉

寄遠人書

脉脉恨情筆不留背燈絮語墨如油一枕相思
勞夜夢幾年離別奈春愁山長水遠人安在花
落鳥啼淚自流八行染紙斑斑字寄達遼西能
讀不

蟋蟀

風吹砌際暑初收唧唧鳴蟲先報秋近枕幾回

驚客夢入牀偏似伴
愁月叢聲靜人如語露
葉影明水欲流只有他鄉未歸者終宵不寐獨
低頭

竹院煎茶

竹影戰風夏日涼幾回得夢到羲皇閑心不染
紅塵事槐火煎茶一院香

遊佐氏泉

舞袖風飄水一泓雪肌半映玉波明誰知千緒
月中恨附與新絃第二聲

湖村景

拍岸漲痕沙欲崩涼風滿地浪千層江村日暮
人聲聒柳外火明魚市燈

又

湖村十里夕陽閑遊屐追涼步柳灣地本八方
皆綠水天開三面是青山風如有意經波起零
自無心向岫還歎乃一聲鷗拍々歸舟知在渺
茫間

松江納涼分韻得庚

第一橋第二橋金釵玉帶羅綺飄花溪何處不
嬌戲此地恨為紛奢地吟屐避塵逐涼行歷聞

曲曲新歌聲長堤忽點金蓮燭畫樓粉壁明如玉

殘螢

飄零猶有命自嘆冷光幽殘軀逢老病弱翅懶
飛遊月暗竹叢夕雨寒梧葉秋不向長門去恐
增婕女愁

乙卯中夏

撲螢

露侵湘簾夜色青風吹池蓮花氣馨紛紛心中
千緒恨徘徊掩扉立幽庭星耶火耶水一曲數
點忽生夜光玉飛入柳陰藏低向蘋末觸六幅
相映紫羅裙撲去撲來涉水濱烏鵲橋邊五更
夜綵紈獨有撲星人

即事

旅窗幾度夢魂驚伊軋輶轡月影明此裡傷心
無限事一庭草露鎖蟲聲

五月念三漁白龍湖途中雜吟

風露沈々欲五更斷雲流月影斜明小樓在巷
殘燈白聽徹丁丁柝柝聲土橋

陣々晚風夕日晴一系拋處覺涼生蒹葭挾水

半川暗且有啼禽不識名深沼

白龍湖上一漁翁十里烟波臥短篷自是平生

堪笑處鬢系輕捲釣糸風白龍湖

金澤之山白龍水丹泉山水一新奇却為麤才

妨絕景名山名水不題詩

悼兒奉和楯溪大夫芳礎

未免母懷日夜縈嬉遊二歲倩人行可憐化作
九原土不聽當時呼乳聲

又

槿花朝露暫相縈憐汝幽魂去忽行猶有文經
可遺子一家無敢作啼聲

過楠河州墳

湊河戰破欲悲歌忠節感天竟奈何籟聲鎖雨
英魂黑秋向楠公墓畔多

倦繡詞

心懶日亦長停針坐繡牀向人不多語昨夜夢

鴛鴦

密約

與君恩已深欲約情千緒
隔簾恐有人莫敢分明語

野廟避雨

半天急雨望中迷
暫借廢祠避路泥
社鬼塵深壇上沒
鷓鴣花落樹間啼
凭欄濁酒堪催醉
倚壁閒詩儘自題
俄頃晴來山若洗
夕陽已在斷橋西

夏夜山中讀書

十五

綠樹鎖檐暗短檠
半生未了古人情
開窓讀易神將倦
聽取黃梅墜地聲
不識世間紛毀譽
宛然解綬振衣去
深山夜夜古人來
一穗燈檠讀書處

漁鬼面川

人家高下夕陽紅
鬼面川長水接空
暮洲十里綠烟白
漁笛聲飛蘆葦風

黃河飲馬歌

黃河月落水怒號
漠漠秋氣陰雲高
壯士飲馬不脫鎧
馬向風嘶聲蕭々
出身仕漢事戰伐
不

顧邊庭曝膏血昨夜破來匈奴軍汗抹馬毛白
於雪馬與人同輕死生千里橫行勢豪英百戰
未必慕封爵只願萬古垂功名折戟埋沙人骨
朽滿地腥風虎狼吼立馬時望荒漠間又有胡
騎蹴塵走

掘金歸途口占

廿一日

獵風蒲動晚波浮空涼氣步塘坡人從小雨
霽去家向垂楊籠處多為此新詩容易遣未
逢佳興等閑過蒼茫暮色來從遠風露沈沈一
釣簑

乙初秋日詩稿

西生寺森氏墓

森利真為人姦佞才絕群身自小興至大臣而
來執政專國制謀事總於我一門奪金苦萬民
厚賦勞百姓中間有覆社稷心遂於朝廷失其
命自古叛虐者能無不誤身誤身且滅家警哉
國之臣年華疾水流荏苒一百載于今西生寺
古碑依然在我過此寺見其碑幸子花飛晚風
吹鳴吁森氏之一片石千秋只有鳥雀悲

明妃夢歸漢

風沙黑掃衣歸故國昔時丹青魂已空古塚一
杯妖血碧三十六宮夜欲闌花鎖魚鑰春月寒
顏色憔悴今非昔猶得君王帶笑看金殿開宴
燒銀燭醉歌長舞合歡足不似他日嫁胡時馬
上掩淚彈一曲嗚吁夢乎夢忽醒風沙亂走吼
有聲

月夜渡溪橋 得平字

溪將斷處小橋橫涼月映波波面平無端獨向
水邊去誤使棲禽驚起鳴

遊上人林

纏天薜荔老松橫閑意向無路處行泉聲隔澗
珊珊響疑是仙人玉佩鳴

北郊歸途

酒店飲來醉若狂短筇徐步度高門天邊落日
三竿短地上行人八丈長雨過晚村收晚暑風
搖新稻送新涼出林又有入詩處野笛聲殘水
一方

秋色

不淡不濃無可名誰將此色染秋成哀哉極目
蕭條景落日寒煙鎖古城

秋夜即事

燒香默坐小窓東
燈影幢々半壁紅
殘夜雨收秋色靜
月光晴在碧梧中

江樓聞笛

千里憶家腸九迴
樓頭半夜月徘徊
誰家江館無人倚
橫笛吹從何處來

烟籠寒水月籠空
夜泊瀟湘恨不窮
腸斷岳陽樓上笛
紛紛吹送落梅風

瀟湘秋老笛聲哀
忽憶阿郎去未迴
知否夜深裁錦罷
有人泣上望夫臺

秋感 三首

雨餘新水綠痕生
更覺葛衣細細輕
蟋蟀聲中秋萬里
梧桐葉上月三更
踈才何恨詩名拙
瑣學全無志業成
別有閑愁添感慨
鏡邊餘白雪

不憂徃徃毀譽侵
故紙堆中閱古今
燕雀安知鴻鵠志
狗豚徒侮虎狼心
年催白髮人將老
節到菊花秋自深
不學迂踈腐
捫髭日作大梁吟

不堪百感此中催
閑倚欄干酒一杯
天下四時

秋作氣目前萬事老皆灰屋頭橘柚經霜熟籬
外菊花帶雨開可嘆此身埋草莽無人知有子
雲才

月下酌酒歌

月兮月兮何處來宵々能來照我盃人居世間
如朝露一生為歡其幾回青蓮居士如何者把
杯問月坐月下自稱我為三十六帝之外臣悠
悠天地本閑雅而來我亦慕青蓮聊逢良夜酌
芳醇手中金湧杯中月世上人榮陌上塵一醉
不知何處是人間山當樓橫綠於髮一輪高自

其間出四海八千淨無塵只見明鏡掛仙闕湛
湛大樽大如船傾之一飲不異巨鯨吸長川天
無十日不虧月世無千年不死人今如不飲奈
良辰慷慨其何有酌倒一斗酒只舉大杯問明
月我似昔時謫仙否

奉乞 大政

宮島熊拜具

詩稿自初秋中旬至仲秋下旬

寶劍篇

吾家傳劍幾百歲深藏古匣積塵閉劓銘相州
住政宗一朝得之暗壁際可嘆多年沒龍姿人
幸及此不朽時三尺鐵身神氣凜凜粟偏懼生
靈神我已得寶劍心狂奈歡足千金使人磨鏽
痕霜花奪光明於玉君不見近來多姦臣願試
其頭警國人

老妓

泣不掩淚恨如縷中心有思向誰吐夜色沈々

燭影深耿耿不寐空房雨憶昨妾兮嬌少時日
開粧閣飾容姿映月春柳畫眉巧浥露海棠曉
粧遲吳風米成傾城豐夜夜惱殺長安兒歲月
不駐駒過隙自嘆妾身復非昔昔時鏡中半面
紅今日其奈兩鬢白芙蓉花落秋有霜自是粧
閣任塵積三絃一曲非無情無復一人憐儂客
誰道紅顏永不衰人生幾回保容色芳時去不
回長嗟獨自哀空牀猶餘舊時枕或有仙郎入
夢來

朝陪越人酒夕伴吳客眠長安城中春如海何

知世有落花歎歲月等閑過桃李容易墜惆悵
一生如露面掩翠袖垂紅淚寄語陽臺歌舞人
無恃容色為狐媚

初秋坐夜

家住城西溝水傍柴門深鎖小草堂一夜逢秋
不可睡風嫋々生新涼二更月澄鏡天碧一
曲聲清風中笛羅衣不堪立閑庭梧桐墜露襲
人白

夜已老蟲聲鎖露窓前草三万六千矢離弦梧
桐一葉警秋早富貴在天不憂貧家無四壁意

晏然青年只應讀五車蘇秦刺股夜不眠

廿五日有閑午後散步北郊

一陣涼風冷葛衣滿郊淡日步晴暉意行偶向
稻田去群雀背人驚起飛

一帶草蹊傍水斜野人籬落兩三家知他黃雀
來為姦田畔張羅護稻花

蕭條村落暮烟橫聽徹家々搗紙聲漠々秋光
江上路蘆花千頃夕陽明

廿六日遊北郊

寂寞藤泉路曉風月一痕雞聲又燈影家在隔

江村

歸時長橋迷路

路方迷日已低秋風滿地荒野淒一义纔通蘆
花裏邈逸忽窮有流水餓無漂母憐王孫迷有
野父欺項氏誰投此仕授無辜日暮路遠安適
歸仰天長嘆振聲叫為我直築一條途

夜雨

此去故園萬里程天涯幾歲別離情西窓剔燭
知何日腸斷巴山夜雨聲

水樓

久謫洞庭意奈何滿頭華髮轉婆娑孤客不堪
愁裏老殘年況在夢中過山連石壁秋常早地
接瀟湘雨自多夜深獨倚水樓上卧聽雁聲度
遠波

驅疫

彼何為者來何處見而不見不可捕世上紛紛
疫鬼多人觸之者就死路豈料一家裡妻哭阿
孀子哭親鼓聲鏗々四面起滿世人盡驅疫神
驅不去兮驅不去命於此時何急遽可憐北郊
三日間滿地新築累累墓

征戰經幾年鋒餘今纔存此身他日事成論名
籍誰是麟臺第一人

古硯

君不見吾家寶硯端溪石 痕如玉濃紫色天
之 巧寧有瑕比之彝鼎愛更極世世德盛鼎
足堅陵谷雖遷彼不遷楚臺歌舞空鹿跡晉代
衣冠為灰塵此器一片依然在眼閱興亡幾千
載聊題長句祭泮妃時有墨池紫雲起

硯神曰
泮妃

引轆轤歌

朝引索兮宛轉轆轤聲夕引索兮宛轉轆轤聲

宛轉憶郎情不淺妾腸與轆轤宛轉花晨月霄
春愁多郎若背期奈恨何妾心深於井中水郎
心不似風裏花此期必可報只怕人情變引索
縲出纏綿思轆轤雖斷遂不斷

江館夜雨

客中不耐倚江樓雁語水聲相共愁夜來攪破
楊州夢正是瀟湘風雨秋

新雁

江天何處一聲哀蘆葦秋風兩岸苔片影月明
千里水知從紫塞帶書來

銅雀臺

君不見魏武初爭天祿時群雄雖起何所為旌
旗麾處風掃草盡破堅陣開鴻基高臺擘雲春
色紫中養嬌娥三千美夜遊未燭當及晨歌舞
聲湧漳河水不知人代幾變遷昔時紛奢委灰
塵銅雀臺荒君休上落日秋風愁殺人

秋日郊行 八月五日

風掃炎暑秋氣清滿懷幽趣逐行行兒童鬪
去何處時隔桑麻聞笑聲

漠々稻田殘日橫東郊之路一條平野人住在

蒼花裡斷續風傳搗紙聲

水涯植杖轉傷悲老樹森然白日遲一掬灑來
懷古淚喜多寺畔讀碑時福澤喜多院黑井碑
半川雨歇水冷々户々炊烟籠柳汀晚日啣山
看欲暮回頭螺黛萬重青

惱懊

脉々春愁向誰語私書寫成向誰語水漏沈々
夜幾更蘭媒未滅窓紗明不怪簾外小犬吠隔
花人影輕履聲

過故人宅

獨對東流暫痛神園林主去幾經春飛花寂寞
空爲鳥落日淒涼似弔人古劍深埋新塚草斷
琴半鎖舊牕塵可憐風景總非昔想像曾遊淚
滿中

中元夜歸

隊々踏塵歌舞聲六街如畫綵燈明士人何事
耽輕薄無復腰間十字橫

江夜

滿江寒雨逆潮流夜色蕭々一望秋零落天涯
千里客不堪獨倚岳陽樓

賦贈子敬

太怪今秋開太遲半園况復受霜時記未去年
今日事與君賞菊醉東籬

明妃嫁胡詞

一受君王寵朝朝畫娥眉一被單于犯萬里遠
嫁胡誰使嬋娟老塞北可憐廟算出良策漢宮
終雖斬畫工此事於事有何益白草原荒白骨
銷驚沙吹面風蕭々塞天千里人烟絕泣弄琵琶
調怨謠嗚吁人生可無怨君不見長門鎖阿
嬌

泉岳寺義士墓

忽傳誓士逃又傳誓士逃赤城之士何不豪我
等可酬仇久變世風居仇地無憂多年徒苦辛
彼蒼々者感此志一朝事成祭君魂快伏丹上
歸九原非但勇名驚滿世恃有精忠通上天泉
岳寺古人何處白日無光香烟度四十七累春
草新盡是當年忠士墓

奉寄懷

梨溪窪田先生

浩浩難量如海息多年未報志常存德化及人

教方厚功名經世道愈尊雲遮吳楚千重影夢
度關河一縷魂憐君今夜茶溪雨獨向燈前憶
故園

秋宮思

如水君恩歲月滔翠欄干外淚沾袍長門夜靜
無人立秋在梧桐葉上高

古從軍行

男兒出薊北十五從遠征出身甘得漢庭土要
斬天驕立功名將軍令嚴營幕寂壯士不眠磨
矛戟狼山月落獵火明轅門角悲曉霜自由來

陪嚴君遊梁澤途中口占

草路茫茫斷又續未霜時節踏郊天秋風吹盡
秋山火飛作亂峯一行煙

八月念二與友人遊田澤

萬木陰深壓大坡穿林到處栗梢多蒼苔踏破
雙鞋跡知是山童拾果過

雨餘漲水滿溪清閑步閑吟扶杖行深山午後
風方起林果丁丁墜有聲

三竿斜照未黃昏桑竹蒼々棲鳥翻殘火受風
侵古徑歸雲帶雨鎖秋村乞茶暫憩樹間店賒

酒時敲江上門最好山紅葉景又留吟杖攪
詩魂

登館山霞城

見雲疑旆木疑兵突兀高基宇宙平一角殘形
空麥畝千年古跡是霞城水連鬼面江聲轉山
接獅頭地勢橫可惜無雙要害固悲風蕭颯亂
松鳴

一抹斜陽溱亂流數行鳴雁落寒洲水明鬼面
江邊晚煙暗霞城山畔秋

右鬼面川晚景

以上總計四十五首

小園秋興

三徑蕭條秋景新小園晴日慰精神一杯興足
東籬下自採菊花憶晉人

出婦歎

君心風不定柳絮更狂飛妾貌春不永柳絲自
憔悴嫁時君誓妾終生不相棄何況會合暫時
間恩意委地終離異色衰愛弛無奈何不嫁乃
知此咨嗟青銅顧影自怨悔無復一面斷腸花
人生喜承寵愛早不知寵愛忽催老君恩不歸

若再歸芳時復來顏色好

乙卯仲秋下旬稿

桃源行

一派清溪水汨汨陶岸沙洞門桃幾樹知是避
秦家

同

縱雖無君有父子幾年避秦幽洞裏由來栽桃
賞此春洞裏乾坤淨流水可怪漁郎蕩棹來花
間相問立多時山中寧料秦代事為漢為晉不
曾知山萬重兮水千頃絕無雞犬仙境靜昨日
長安戰塵昏今日桃源春日永

五言排律

閑適

小室纔容膝敝冠尚掩頭
疎食元無害美宦不耐憂
功名徒寂寞世事見沈浮
為此田園樂聊耽詩酒遊
黃花經雨老白髮帶霜秋
生涯清興足他物復何求

桑中喜

君有夫我有妻此地相共
不可棲多年誓約勿敢棄
恰是一諾桑中喜三尺雙
龍劍金釵十二行賣之換
金不贖罪白日欺天整旅
裝嗚呼上

有採桑女桑間謀事之人休私語

擬午門朝見

乘車為盛服聞漏上新宮
朱門金鎖動玉瓦曙光通
旗影花間月佩聲柳外風
主明能舉賢朝正特書功
只見諫書少可知闕事空
百辟同長捐燒香禁苑中

秋穫

今年秋穫好瑞靄滿山河
百姓輕租稅萬倉歷黍禾
歲豐無禁酒世治又平波
里巷吹彈鬪人家嫁聚多
苟雖為鼓腹不敢失干戈
遮莫隱君

子有賡七月歌

遊大舟俄逢病不能返某氏二生助我賦
謝

藥不可求可奈何山中逢病苦愈加他日難忘
恩意厚扶君無恙得歸家

客途晚眺

依稀林缺處忽見夕陽催客途看欲暮遊子獨
徘徊風外砧聲急烟中馬語哀古驛何邊在蕭
條寒雨來

初冬

一輪何處玉新磨愁殺亂雲鱗影多縱有終霄
攀桂客月宮不使見嫦娥

敬題 尊公望月圖

芻掃能州在一征旌旗向處泰山傾軍營秋老
寒霜白見月當時登畧城

觀獵

鳥獸盈秋草將軍獵翠微漫逢朝罷日皆着戰
時衣萬騎連營進六龍扶輦圍風驅飛箭落鷹
逐落鴻飛雲外鼓聲遠天邊旆影稀晚來逞餘
勇盡向國門歸

送出塞人

單于還入犯邊地不清平郡裡羽書急原頭烽
火橫聞君為漢將受詔襲胡城離塞令偏密銜
枚人靜行山川皆設陣草木可成兵肅々三軍
整蕭々萬馬鳴曉風旗動影夜雪鼓無聲秦岳
高名重鴻毛一死輕勉哉其苦戰勿敢惜蒼生
振旅凱歸日又於此處迎

有友來見我詩曰君詩流麗纖巧譬之美
人粧胭脂又陶淵明悠然見南山此等之
法體不能學乎是故吾賦秋夜七律示

把酒悠然思不凝日傾一斗 參井氣橫碧落
三千界日照丹霄十二層江上秋澄風似水天
邊夜靜月如冰世間萬事元忘却笑擲大杯擊
澗膺

叢中必有好花枝

自古深叢裏必有好花枝年々縈葦棘花開無
人知我長慷慨之世事復如此當時幾英雄蒙
塵不得起天下舉人日日新見賢為愚愚為賢
其身殆倍丘軻聖其心忍為禽獸行鳴噫紫綬
金帶何人哉廟堂舉人亂善政

散步得二首

君王廟畔一蹊通
掃面不喧九月風
群鴉棲定還飛散
洩得林梢殘日紅

搗稻聲々日已斜
遠林葉盡見人家
秋郊十里蕭條景
雪白殘蕎數頃花

報父讎

吶爾祐常何凶惡
乃爺出獵被汝虐
燦髮伏薪徒苦勞
不戴天仇寧可逃
多年離母雙淚墜
近死拜贈八行字
大雨歷營夜色昏
遺恨一聲屠寬魂
父讎雖酬祖讎在
不顧兄弟致身就戮死

君嗜酒

君嗜酒我獻酒
君好魚我贈魚
贈之非義君必取
勿論他日特舉吾
倉有粟帛不敢惜
可給君家妾衣與馬
食污穢盈腹言尚鮮
侮人致賂極其力
可惡滔々世上人
欲求美宦數推門

拾石美似玉戲題

美玉無瑕透自明
掌中宛見紫雲生
如今若有秦王在
果換河東十五城

廿二日新雪

粘地濕雲凍不開
山鳴風怒屋將頽
滿城寒氣

蕭條雨果是黃昏為雪來

洋舶來

昨日洋舶來今日洋舶來四萬八千鯨濤碧凌
之遠自海外來始見秋毫點雲彩舩入港來大
於海銅壺吐烟勢生風萬里往來疾若矢譙樓
架礮首尾連一喝放火可拔山船蓄積粟三萬
石船育強卒二千人滿世慣見不為異咄汝紅
毛來貪利天下謀在備不虞每一舶來築礮臺
何事汲々費神力遂使洋礮摧為灰吾是淳々
君子國不治甲兵可在德忘戰雖大國必亡休

說一戰掃萬舶君不見四海昌平三百年無復
中原逐鹿人

送小田切子敬之東都

幾年相友好素腹覺情同惜別空今日攪愁在
此中江山三百里書信一孤鴻到處見仁政當
時知堯風蓮峯千嶽仰芝海萬川通君實居其
地學彌可建功曉雲迷匹馬秋雨滿寒空分手
忽離散猿聲亂壑東

同

治不忘亂古為隆武以文濟豈不同篤卿 髮

暗二事得學洋書覺砲術巨礮名謂佛狼機造
鑄用銅或用鐵其重二千斤其長丈五六尺載
以兩輪車舉動真快哉一發放彈丸太聲如萬
雷山可摧城可拔百萬人馬不見血趙括政諸
葛謀對之聊勿生百憂君不見洋夷年々窺間
隙敢凌海濤寇吾國天下本乏龍韜人即以和
親為上策
明聖命君上都城六師至虜壺漿迎果知他日
掃洋夷又使萬世為昌平

鶴城秋晴

小凍前灘水初寒滿地霜入冬深鎖戶謝客不
成章身與物相老病兼愁更長窮途徒躑躅百
事易悲傷楓葉看無色梅花欲放香危欄聊把
酒一笑立殘陽

春睡

橫窗釵影送芬芳共背蘭燈欲斷腸黃鳥啾々
眠未覺春波滿地夢鴛鴦

菊花盛開

皎々千株白鮮々萬葉蒼園皆連月藥地訝布
銀光佳卉秋容好寒英晚節香未嫌三徑雨况

傲一籬霜杜牧挿頭髮淵明泛酒觴古人偏愛
菊為有殿群芳

春宮怨

無由多歲恨君王生不啣恩淚濕裳長信夜深
春月白如聞歌舞起昭陽

九日

華髮黃花相對新此生幾度遇斯辰如何今日
登高處不見白衣送酒人

俠客

一喝可當百萬兵由來幾度立功名耶郢誰有

卿士退朝人送迎重門開處紫雲生歸鴻飛盡
天如海暮角聲寒姑射城

讀史

疏陣建旌示象兵晉軍奇計不平平夜深間道
敵方遁時有空營班馬聲

九月晦日有作

五車勉讀輒忘餐久廢掃除塵歷欄三徑草荒
無客訪一籬菊瘦見秋殘元期苦學建高業可
耻明時老薄官不用世人談彼此下帷獨坐慎
懷安

乞

大斧

宮島熊拜草

火為令者誰是六卿須臾火收曉色碧滿場餘
 燼吹地白藏財倉廣安在哉併玉與帛不見跡
 君不見富貴迴環如轉輪物盈則虧事更真重
 華一去鬼神哭連年經營付一塵

藺相如完璧詞

趙有寶璧天下稀名傳四海世皆知秦王恃願
 求斯器償以河東十五都藺相如稱趙雄悍奉
 璧入秦酬其願王呼萬歲把璧看紫雲飛從掌
 中散相如悟王無意償以計奪璧意愈奮目眦
 血迸的爍光兀立倚椅睨秦王怒氣衝冠毛髮

豎勢欺霹靂誰敢當為臣死忠固其所反壁被
戮又何妨當其完璧且還國英雄真是懼異域
趙氏名臣藺相如趙氏名器連城壁噫吁器不
借人不敗名相如忠節天日明國之有良不失
利勿論趙氏國益榮當時若非藺氏勇寶璧唯
當在秦城

西湖竹枝

妾住西湖水郎住何邊在可憐畫航一夜緣纖
手推棹唱採蓮一朵折來與郎語香比外湖有
餘薰日夜折花人如雨中情未一遇似君與郎

折花無多日明朝雲分吳楚天

旅泊

千里離家泊海城客心何事夢難成夜深宿鳥
驚飛散聞徹寒潮拍岸聲

乙卯試後稿

猛虎行

腥風撼林雲似漆猛虎忽從何處出
嘯聲震巖巖欲摧魑魅魍魎皆潛窟
將軍跨馬張良弓插箭探虎意氣雄
谷中木裂爪痕白路傍牛僵血色紅
將軍膚栗馬不進弛弓不復尋行蹤
君不見人間有虎橫行頻奪金掠寶
憂人民猛虎雖猛不足畏橫行未敢
出深山

月下裁衣圖

梧桐瘦盡月明多起見塞天一雁過
露坐裁衣

刀剪冷受降城外奈秋何

白狐廟

女不到已久相思夢千場聞道背盟誓棄我換
新郎遺恨裂胸胃血噤逆被蓮髮變容貌烏帽
短衣肝自寒邪心俄咀白狐廟神前龍鏡照人
明古廟月穿老狐鳴夜深空階人影立誰推朽
靡似有聲虛垣伏身夜繼日遂不殺女咀敢歇
七日不食瘦如系脉々氣息命欲沒洞房依然
夢裏春艷婦凝粧迎新人一笑古來咀人者究
竟先人殞其身

山田蠖堂先師為我父執。余幼時隨父君到蠖
堂宅。先師好養鯉魚。又愛杜鵑花。環屋紅白成
叢。庭池有潑刺之聲。先師迎父君談笑烹茶供
飯。往往入韻事。余侍坐親接聲咳。見其交情親
密。余十六歲秋一日有火。蕩盡照陽寺。先師累
代墳墓之地也。余拾先師父祖靈几火中。授之
先師。先師驚喜比之戰場擒敵將。拉余而歸。時
屬秋社。宴設客集。先師延余上座飲酒。問余嗜
好。余答以嗜詩之外無他。先師出紙。余書七言
一絕。此師第交契之初也。距今二十九年恍如

夢寐今也先師沒而父君亦長逝讀此卷不堪
愴然。

明治辛巳四月五日記
糴街養浩堂中時夜半春雨灑
梅花

栗香

明治四十二年四月廿七日
讀

